





中州集姓氏總目

第八卷 別起

邢內翰具瞻一首

王太常繪一首

王禮部競一首

杜佺一首

邊轉運元勳二首

李寧州之翰四首



三興居士一首

楊興宗一首

趙亮功一首

賈泳一首

元日能一首

范墀一首

王雄州仲通一首

韓內翰汝嘉一首

王吏部啓一首

晁洗馬會一首

王內翰遵古一首 子真一首

王汾州璫一首 汝三一首

李特進獻可二首

雷溪先生魏道明二首

學易先生雷思一首

王大尹脩一首



高工部有鄰一首

宋孟州楫二首

高轉運德裔一首

路冀州仲顯一首

張代州大節一首

趙轉運慤三首

郭祕監長倩一首

郭錄事用中一首

趙太常之傑三首

趙轉運鼎一首

田轉運特秀一首

趙漕副文昌一首

路轉運忱一首

高密州公振一首

張轉運毅一首

宗御史端脩一首



張戶部翰五首

李好復二首

楊祕監邦基一首

呂陳州子羽四首

趙鹽部文昌一首

韓內翰玉二首

王都運擴一首

趙吏部伯成三首

梁錄事仲新一首

盧待制元一首

太常卿石抹世勳一首

苑滑州中一首

趙禮部惠文六首

李坊州芳一首

劉鄆縣昂三首

錦峰王仲元三首



盧宜陽洵一首

刁涇州白三首

劉戶部光謙一首

毛提舉端卿一首

康司農錫一首

張戶部德直一首

馮辰一首

王世昌二首

李宜陽過庭一首

田錫二首

張介一首

龐漢一首

宋景蕭二首

李警院天翼三首

張叅議澄四首

劉神童微一首



郭宣道一首

張仲宣二首

胡汲一首

王脩齡一首

中州集第八卷姓氏總目終

中州集目錄

第八卷

邢內翰具瞻一首

出塞

王太常繪一首

江天秋晚圖

王禮部競一首

奉使江左讀同官蕭顯之西湖行記回題



其後

杜佺 一首

馬嵬道中

邊轉運元勳 二首

望瀛臺春望

七夕

李寧州之翰 四首

書呈仲孚

題密雲州學壁

中京遇回長老

歲暮

三興居士 一首

題平陰僧寺

楊興宗 一首

出劍門

趙亮功 一首

甘露寺

賈泳 一首



題安生僧寺

元日能一首

紅梅

范擘一首

和高子初梅

王雄州仲通一首

送客

韓內翰汝嘉一首

寄元真同年

王吏部啓一首

王右轄許送名酒久而不到以詩戲之

晁洗馬會一首

杜鵬

王內翰遵古二首

過太原贈高天益

野菊 子貞

王汾州璠二首



游太寧寺

王元仲海岳樓同諸

公賦 汝玉

李特進獻可 二首

清水寒食感懷 召還過故關山

雷溪先生魏道明 二首

佛崑寺 退食

學易先生雷息 一首

食松子

王大尹脩 一首

烏子秀自左司員外郎左遷上京幕官

高工部有隣 一首

馬薨

宋孟州楫 二首

還紫雲寺素扇且題詩其上

庭槐

高轉運德裔 一首



高坐忘女

路冀州仲顯 一首

楊祕監釋迦出山像

張代州大節 一首

同新進士呂子成輩宴集狀元樓

趙轉運慤 三首

擬古

寒齋雪中書呈許守

蜀山曉發

郭祕監長倩 一首

義師院叢竹

郭錄事用中 一首

偶得

趙太常之傑 三首

許道寧群峯暮雪 題濟源龍潭寺

田除夜

趙轉運鼎 一首



宿來同堡

田轉運特秀 一首

宿萬安寺

趙漕副文昌 一首

歌扇

路轉運忱 一首

秋懷

高密州公振 一首

裴氏西園

張轉運毅 一首

石淙

宗御史端脩 一首

漫書

張戶部翰 五首

贈石德固

拜過回公寺

萬寧宮朝回

奉使高麗過平州館



金郊驛

李好復 二首

邵智夫同游南城

雨中與客飲

楊祕監邦基 一首

墨梅

呂陳州子羽 四首

廣平道中

宿章義廣勝寺

至日

李白醉婦圖

趙鹽部文昌 一首

軍中寄親舊

韓內翰玉 二首

臨終二詩

王都運擴 一首

題神霄宮清心軒

趙吏部伯成 三首

蠟梅二首

元弟以所業見投賦



詩為贈

梁錄事仲新 一首

江天暮雪圖 一首

盧待制元 一首

閒詠

太常卿石抹世勣 一首

紙寫

范滑州中 一首

贈韶山退堂聰和尚

趙禮部思文 六首

試院中呈同官崔伯善李順之

侯相浪溪歲寒堂 捕蝗感草蟲有作二

首 嵩山承天谷又云道

遙谷 平同年楊禮部之美

李坊州芳 一首

留別



劉鄴縣昂 三首

零口早行 讀三國志二首

錦峰王仲元 三首

雪中同周臣內翰賦二首

雪 贈青柯平隱者

盧宜陽洵 一首

白溝

刁涇州白 三首

渭水 物質

送花

劉戶部光謙 一首

寄陳正舛雷希顏

毛提舉端卿 一首

題崞縣郝子玉此君軒

康司農錫 一首

按部南陽有贈



張戶部德直 一首

叔能見過

馮辰 一首

雨後

王世昌 二首

過華州

方城東寺海棠

李宜陽過庭 一首

讀公孫弘傳

田錫 二首

牧牛圖

故縣別業

張介 一首

讀天寶遺事

龐漢 一首

終南谿

宋景蕭 二首

河陰望河朔感寓一首



春雪用上官明之韻

李警院天翼 三首

還家三首

張叅議澄 四首

積雨

和林秋日感懷寄張

文御史二首

輶馬圖

劉神童微 一首

春柳應制得城字

郭宣道 一首

送同舍張耀卿補椽中臺

張仲宣 二首

下第

戲題石鹿蜂猴畫卷

胡汲 一首

失題

王脩齡 一首

黃葉行送祖唐臣埽拓縣



黃樂古送馬與...

王尚絅

...

...

...

...

中州集卷第八目錄

中州集卷第八

辛集

邢內翰具瞻

一首

具瞻字崑夫遼西人天會二年進士與吳

蔡為文章友仕至翰林待制

出塞

樓外青山半夕陽寒鴉翻墨點林霜平沙細草三  
千里一笛西風人斷腸

王太常繪

一首



殊不直致然  
是金元體

王人繪字質夫濟南人天會二年進士武陟道  
中詩云梧葉重勝迎日露蕎稌薄要護霜  
雲人頗稱之仕至太常卿有注太白詩行  
於世

江天秋晚圖

萬頃波間踏浪兒瀟湘秋晚趁歸時四山紅葉風  
聲健散入儂家款乃詞

王禮部競一首

競字無競安陽人宋末登科仕國朝至禮  
部尚書兼翰林學士承旨年六十四大定  
四年卒無競善作大字字或廣長丈餘而  
結密如小楷京都宮殿題榜皆其筆趙禮  
部以為古今第一手唯党篆差可配耳一  
孫名道通字彥深今為黃冠師  
奉使江左讀同官蕭顯之西湖行記回題其

後



雲煙濃淡費臨摹行記看來即畫圖雲夢不妨吞

八九筆頭滴水了西湖

是佳是不佳參之雲夢句閑合奉使妙

杜佺 一首

佺字真卿武功人宋末有詩名於關中兒

時嘗作藥名詩有杜仲吾家好弟兄自然

同姓又同名之句及以五言百韻上乾州

通判馬涓涓大加賞異阜昌中登科蒞官

亦有聲馬嵬太真墓過客多題其詩甚多

道陵詔錄其詩得五百餘首付詞臣第之

真卿詩在高等舊有錦溪集亂後不復見

矣子師揚亦能詩尤工書翰奉天楊煥然

云然

馬嵬道中

垂柳陰陰水拍堤春晴茅屋燕爭泥海棠正好東

風惡狼藉殘紅送馬蹄

蘊藉錕唐人亦高等矣上聯猶似少眼

邊轉運元勳 二首



元勳字輔臣豐州人後遷雲中祖貫道遼  
日狀元輔臣天會十年進士終於河間路  
轉運使與弟元鼎元恕

望瀛臺春望

晴雲如困柳如癡丹杏開殘碧草齊一派望瀛臺  
下水煖風遲日浴鳧鷖

七夕

七夕只有乞巧無送窮也

高樓人散酒罇空漫擬新文送五窮獨倚南窗夜

岑寂一鈎涼月下疎桐

李寧州之翰

四首

字周卿濟南人宣和末擢第人有勸叅童

貫可以徑至館職者周卿謝絕之國兵破

洛州縛見元帥誘之使降語及君臣之際

辭情慷慨自分一死帥怜之遂被錄用後

守寧州陷田侍郎珏黨籍除名徙上京遇

赦復官終于東平侔有漆園集行於世子



靈石尉謙孫德元今在鄉里

書呈仲孚

造物固難量誰能計寒餓失馬乃為福夢牛翻作  
禍長溪霜練靜脩嶺蒼龍卧魂夢吾已安不勞歌  
楚些 夢牛不閑送窮硬差排作對耳

題密雲州學壁

崎嶇到此興何堪况復風謠意未諳旅舍蕭條空  
自遣胸懷磊落向誰談留連暮雨侵疎牖宛轉飛

雲埽翠嵐因憶林泉歸去好一燈幽夢遶春潭

中京遇回長老 清順

天涯流落偶生還古刹相逢語夜闌歎我歸途千  
里遠喜君禪榻一身安松聲不斷風吟細月影無  
邊露氣寒分手山堂更寥索冷雲衰草伴征鞍

歲暮

休怪年來白髮新天涯三載困埃塵偶離沙磧窮  
陰地收得桑榆老病身對雪莫吟秦嶺句撥醅且



醉漢江春此生自斲無餘事何必區區問大鈞

三興居士 一首

三興居士阜昌中人

題平陰僧寺

三吳家近水晶宮行坐紅香綠影中今日異鄉僧

寺裏一盆荷葉戰西風 次句用飛卿詩

楊興宗 一首

興宗高陵人宋既渡江故興宗有龍南集

予同舍郎楊君美嘗見之

出劍門

嘔啞鳴艖下長川萬疊青峰只眼前山鷓啄殘紅

杏粉杜鵑啼破綠楊燼夢迴蜀棧雲千片醉枕巴

江月一船物色誰分杜陵老風騷牢落劍南天

趙亮功 一首

亮功華州人嘗監富平酒

甘露寺



鄭南峰下寺泉石間踈篁飛雨度山閣閒雲生野  
塘簷前松子落厨際柏烟香別後聞鍾磬山陰空  
夕陽

賈咏 一首

咏字漢甫洛陽人

題安生僧寺

天會己酉余嘗與王化原李

端中同過是寺屬兵厄甫罹堂宇頽弊繪素  
剝落秋草野蔓羅生堦上盤桓終日間闐其

無聞時風塵未靜竊謂此地當日就丘墟及  
今與端中復來則寺有僧簡師矣向之所見  
頽者已完茸剝者復嚴潔鍾閣魏焉石堦端  
焉庭樹鬱焉皆向之所未有者也因一讀舊  
題已經五稔自念五年之間所向齟齬十步  
九蹶卒陷機穽豈非禍患之來有積漸歟抑  
得失行止非人所能為歟嗚呼事去如夢人  
生如寄窮達相推雖賢智有不能免焉者願



余何足道哉所不知者他日過此寺之興廢  
余之得喪悲歡又何如也續題一詩貽失路  
者共為一歎云癸丑七月八日題

重来已是五年游憂患相仍欲白頭翻羨亭亭兩  
竒樹不知風雨過春秋

元日能一首

日能不知何許人與劉崑老同時

紅梅

瓊是紅玉恰

好借用

天上瓊兒白玉肌吳妝畧約更相宜認桃辨杏由

君眼自有溪風山月知

崑老同賦云一點清香透  
雲雪是中那得杏花天評

者謂二詩同意  
而日能為工

范擘一首

擘字元涉系出潁川有詩話行于世

和高子初梅不落惡氣習

春風也自惜流光只放寒梅一樹芳玉粉更粧前  
夜雪口脂猶注昔年香江湖昨夢誰同記詩酒風



流豈易忘東閣何郎未全老花枝休笑鬢絲長

王雄州仲通 一首

仲通字達夫長慶人天會六年進士皇統  
中陷田珏黨籍編配五國會赦還世宗即  
位復官終于永定軍節度使

送客

措足疑無地捫心幸有天故人成解后殘喘見哀  
憐落日驚魂外孤雲淚眼邊西歸萬里夢今夕到

君船

韓內翰汝嘉 一首

汝嘉字公度宛平人父昉遼末狀元仕國  
朝至宰相嘗作武元聖德神功碑為作者  
所稱公度皇統二年進士累遷真定路轉  
運使坐公事遷清州防禦使召為翰林侍  
讀學士卒

寄元真同年



十年塵土鬢毛斑杖屨還來踏故山葉寄殘紅春  
尚在雲酣溼翠雨仍慳不堪倚樹追前事更恐臨  
溪見病顏一日暫來千日去何時倦鳥得真還

王吏部啓 一首

啓字希畢大興人正隆二年進士累遷戶  
部員外郎通州刺史用宰相萬公薦權右  
司郎中章宗即位不一歲遷工部侍郎即  
以河南北路提刑使拜吏部尚書使宋使

大興九老會

似先王父蒲菴  
先生

還出爲絳陽軍節度使致仕還鄉里與左  
丞董公叅政馬公宣徽盧公尚書郭公爲  
九老會年七十九卒子師揚字仲雄南渡  
後隱居崧山時年已六十餘經傳子史皆  
手自抄之如健舉子結夏課然希顏說仲  
雄在太學同舍號爲閉戶王先生其謹厚  
盖家法云孫造字成叔今居東平  
王右轄許送名酒久而不到以詩戲之



燕酒名高四海傳兵厨許送已經年青看竹葉應  
猶淺紅比榴花恐更鮮枕上未消司馬渴車前空  
隋汝陽誕不如便約開東閣一看長鯨吸百川

晁洗馬會一首

會字公錫高平人道院文元公之後宣和  
末中武舉仕爲太子洗馬天眷二年經義  
進士爲人美風儀氣量宏博澤人經靖康  
之亂生徒解散公錫稍誘進之貧不能就

舉者必厚爲津遣在官下則分俸以給之  
至于李承旨致美昆仲亦出其門士論婦

焉歷虞鄉猗氏臨晉三縣令以興平軍節

度副使致仕年七十八終於家詩號洹水

集虞鄉縣齋云官况薄於重榨酒瓜期近

似欲殘碁王官谷云煙歲芳樹遠雲補斷

山齊鄉人至今傳之孫國章字公憲李承

旨外孫教授鄉里樂於提誨諸生經指授



者肅然如在官府進退拱揖皆有可觀蓋

其家法云至今朝之終因章老公憲卒

杜鵑俗名杜宇昔古詩云杜鵑啼血聲斷

杜宇啼聲枕上來一聲哀似一聲哀千哀萬怨無

今古喚得行人若箇迴十八

王內翰遵古二首

遵古字元仲父政金吾衛上將軍三子遵

仁遵義元仲其季也元仲四子庭玉字子

溫內鄉令終於同知遼州軍州事庭堅字

子貞有時名庭筠字子端庭掞字子文

過太原贈高天益天益能作大字

遼海渺千里風塵今二毛心雖如筆正官不稱才

高筦庫非君事山林必我曹相期老鄉國拂石弄

雲璈

野菊

子貞

鬪雞臺下秋風裏白白黃黃無數花日暮城南城



北道半隨榛棘上  
獲車

王汾州璿 二首

璿字君玉太原人天眷二年進士弟珙器  
 璿汝玉皇統九年同榜家世業醫有陰  
 德聞里中嘗有金蠶金馬之瑞君玉仕至  
 汾陽軍節度使鄉人榮之號三桂王氏行  
 尚書省左右司郎中仲澤其從孫也金馬  
 在部掾清卿房迄今寶之

游太寧寺

西山踏破萬層青  
與客携壺上太寧  
泉石有情容避俗  
軒裳無術可逃形  
雲縈屋角僧禪靜  
露下松梢鶴夢醒  
明日却尋塵境去  
曉猿啼月若為聽

王元仲海岳樓同諸公賦 玉

十二朱欄倚半空  
元龍高卧定誰雄  
簷楹翠溼蓬山雨  
枕簟涼生弱水風  
物色橫陳詩卷裏  
雲濤飛動酒杯中  
謫仙會有騎鯨便  
八極神游路可通

亦襲荆公橫  
陳之誤



李特進獻可二首

山雨淋漓獻可字仲和遼東人太師金源郡王石之

十二未子太師遼末狀元仲和世宗元妃之弟大

王定十年史紹魚膺進士歷州縣入翰苑累

遷戶部員外郎以事貶清永令召為大興

少尹遷戶部侍郎終於山東東西路提刑

使衛紹王即位以仲和元舅贈特進道國

公子道安特旨符寶郎

清水寒食感懷

桃花零亂柳成陰人到春深思更深芳草成樓天

不盡異鄉寒食故鄉心

召還過故關山

過關天日正清明誰道山神不世情遠客得歸心

緒別隴隴閒作斷腸聲

雷溪先生魏道明二首

道明字元道易縣人父遼天慶中登科仕



國朝爲兵部郎中子上達元真元化元道  
 俱第進士又皆有詩學元道最知名仕至  
 安國軍節度使算年居雷溪自號雷溪子  
 有鼎新詩話行於世元道春興云燕來燕  
 去烏衣巷花落花開穀雨天高麗館偏涼  
 亭云涼或作梁碧海半彎蝸角國春風十里鴨  
 頭波中秋云丹桂知經幾寒暑冰壺別是  
 一山川其所得者也

佛崑寺

虎谷西垠北口南橫橋過盡見松庵舊遊新夢猶  
 能記般若真如得徧叅霜圃擷蔬充早供石泉煮  
 茗薦餘甘殘年便擬依僧住過眼空花久已諳

退食

竿頭犢鼻清貧在夢裏槐安舊習空退食歸來澹  
 無事水邊長嘯看晴虹

學易先生雷思一首



思字西仲渾源人天德三年進士大定中  
任大理司直持法寬平至今稱之仕至同  
知北京轉運使事有易解行於世弟志字  
尚仲亦第進士仕至永定軍節度使西仲  
季子淵最知名詩何足存宜附希顏以見

食松子

千崑玉立盡長松半夜珠  
幾落雪風休道東游無  
所得歲寒梁棟滿胸中

王大尹脩

一首

脩字脩然范陽人皇統二年進士資稟鯁  
峭甫入仕即以材幹稱大定中皇子曹王  
尹大興脩然爲少尹王移鎮北門復以同  
尹從之前後多所規益朝廷稱焉遷咸平  
轉運使改知瀋州坐爲怨家所誣奪官宰  
相有爲辨理者得鄭州防禦使章宗即位  
召拜禮部尚書以選爲大興尹兩月政成



發姦擊強剖繁理劇百年以來無有出其  
右者尋為護前者所排繫獄累月天子知  
其非罪出之脩然幅巾歸范陽明年起為  
定國軍節度使致仕卒遺命無請諡無立  
碑然至今言名臣者必及焉

烏子秀自左司員外郎左遷上京幕官

楚山白玉點蠅頭正坐胸中有九流同部吏郎皆

五馬不知山鬼解挪揄

後漢書王霸傳注揄音踰或音由山谷  
詩中如此使

高工部有鄰

一首

有鄰字德卿遂城人數歲入小學州將為

子娶婦驂御盈路同舍兒競觀之德卿讀

書自若也大定三年第進士歷州縣為尚

書省令史時相議詘詞賦專明經德卿以

賦有譎諫之義反復詰難竟得不罷爾後

擢第者廷試時務策亦自德卿發之明昌

初累遷安國軍節度使又飛狐令某嘗尉

始此殿試策之



南和以公事活千餘人德卿實生是邑又  
老有身及當時事者扶杖迎勞歡呼馬前  
德卿亦爲立碑尉廳不踰月子嵩猶子鑄  
同榜登科時人榮之泰和中使宋還拜工  
部尚書致仕卒德卿孝友廉介長於吏事  
所至興學校啟風化以儒雅自緣飾者舊  
至今稱之子崑字士瞻第進士季子崑字  
士美正大初監察御史最知名

馬嵬

事去君王不奈何荒墳三尺馬嵬坡  
歸來枉爲香囊泣不道生靈淚更多

靜軒體

宋孟州楫二首

楫字濟川長子人年十九天德三年擢第  
除著作郎母老丐歸養許之泰和三年以  
省掾從吏部尚書梁肅使宋副趙王府長  
史直臣獵淮上射一虎斃之濟川有詩記



其事語意俊拔泗州守刻石於鎮淮堂濟川官至孟州防禦使子元吉字祐之明昌二年進士元圭字達之泰和三年進士皆有名於時曾孫弘道今在武陟

還紫雲寺素扇且題詩其上

吳綾便面小團團失手拈來亦厚顏障畫驛塵三十里却還明月紫雲間

庭槐

庭槐先人手所植再世清陰方滿臺慚媿兒孫種

桃李花枝準擬當年開

高轉運德裔

一首

德裔字曼卿鶴野人高才博學弱冠擢第

累遷登聞檢院同知太府少監平陽少尹

開州刺史豐王傅卒於西京路轉運使工

於為文字畫尤有法所題卷軸今猶有存

者嘗以樗軒所書比之氣韻形似無毫髮



少異樗軒自望者甚高何至學曼卿乃暗  
之合真異事也子元道殿中侍御史

坐忘女

女環州張氏年十三異夢之後  
坐忘已四年矣贈詩者甚多

結習銷來性自圓去留元不問人天消搖自是忘  
形蝶枯寂寧同委蛻蟬無礙真空常蕩蕩若存餘  
息尚綿綿立亡坐脫皆游戲定力何嘗有變遷

路冀州仲顯

一首

仲顯字伯達冀州人家世寒微其母有賢

金史作路伯達  
字仲顯殆誤

行教伯達讀書國初賦學家有類書名節  
事者新出價數十金大家兒有得之者輒  
私藏之母為伯達買此書搏衣節食累年  
而後致戒伯達言此書當置學舍中必使  
同業者皆得觀少有靳固吾即焚之矣伯  
達正隆五年進士明昌初授武安軍節度  
使鄉人榮之雲翔用兵伯達奉使江左還  
獻賜幣以佐軍未報而伯達死章廟詔以

何其似吾母延  
陵先夫人也



賜幣可買上田二

千畝宋人之供億

可能堪乎

允使宋者宋人

致禮物大使金

二百兩銀二千兩

兩副使半之幣

帛雜物稱是見

金史梁肅傳仲

顯傳載此事云

獻所得金三百

五十兩銀一千兩

又云傳氏以伯達

嘗修冀州學

乃市億都以東

田瞻學

所獻還其家夫人傅氏曰此非吾夫意復

上之有司不聽夫人付之州學買上田二

千畝有奇以贖生徒故相馬琪德玉時刻

州事聞于朝賜號成德夫人伯達二子鐸

字宣叔鈞字和叔俱有名于時宣叔為諫

官諫章廟元妃李氏出細微不應上僭有

累聖德又其兄弟恃寵納賂將有楊國忠

之禍坐謫訕除名宣叔布衣還鄉里傅夫

人臨終敕宣叔曰汝以憂國愛君故極言

直諫天子明聖特暫有所赦計他日必復

起汝前事須再言勿有所願藉也墓碑不

之載故表出之

楊祕監釋迦出山像

秘監名邦基

自從此老出山隅惱亂蒼生底事無他日若逢楊

處士只教画箇涅槃圖

屈強書生

張代州大節一首

卷之八

及古閣



金史本傳大節  
自以得學于任個  
待子個如親而加  
厚善奕基當世  
推為第一

大節字信之五臺人天眷中進士與興陵  
有藩邸之舊愛其真淳甚倚重之歷橫海  
軍節度使咸平大興尹吏部尚書河東北  
路兵馬都總管明昌初請老特授雁門節  
鉞除其子崑叟忻州刺史以榮其婦信之  
好獎進士類滄州徐躡太原王澤大興呂  
造經其指授卒成大名士論以風監婦之  
崑叟字夢弼亦第進士歷嵐潞懷三州節

度終於集慶軍屏山謂吏事不及乃父而  
以長厚見稱子待舉臺掾選授奉御正大  
末從車駕東狩不知所終孫紹祖在東平

同新進士呂子成輩宴集狀元樓

鸚鵡新班宴杏園不妨老鶴也乘軒龍津橋上黃  
金榜三見門生是狀元

趙轉運慤

三首

慤字叔通黃山先生颯之父也宋末汪彥



章任鄆州教官叔通爲學正嘗預酬唱故  
其詩文皆有源委國初登科仕至同知南  
京路轉運使事

擬古 古直

春風動地來依依燒痕青王孫行不歸離恨何時  
平翩翩誰家兒曉獵開紅旌彫弓插白羽怒馬懸  
朱纓圍合意氣雄廝養獸庖烹人生一春草時至  
何足榮君看五陵樹日暮悲風生

蜀山曉發

曉發蜀山道山深人自迷殘星數徽小斜月一梳  
低隔舍縲車響遙林杜宇啼區區事行役何日得  
安栖

寒齋雪中書呈許守

剪水作花開紛紛天上来聲清偏傍竹艷冷欲欺  
梅積潤滋牟麥餘膏丐草萊窮闔休歎息數日是  
春回



郭祕監長倩 一首

長倩字曼卿文登人皇統丙寅經義乙科  
仕至祕書少監兼禮部郎中修起居注與  
施朋望王無競劉崑老劉無黨相友善所  
撰石決明傳為時人所稱有崑嶽集傳于

世子天驥

義師院叢竹

南軒移植自西壇瘦玉亭亭十數竿得法未應輸

老柏植根兼得近幽蘭雖無穠艷色春色自許貞  
心老歲寒百草千花盡零落請君來向此中看

郭錄事用中 一首

用中字仲正平陽人大定七年進士歷浮  
山簿陝州錄事卒年三十一有寂照居士  
集郝子玉毛牧達鄭仲康為之引其賦醋  
魚云身卧不知雲子白氣酣聊作木奴酸  
按博物志西羌仲秋日取鯉子不去鱗破



腹以赤秫米飯鹽醋合糝之逾月則熟謂  
 之秋鮓故仲正云然又賦雪云灞橋柳絮  
 人千里楚澤蘆花水半扉殊有詩人思致  
 恨不假之以年耳

偶得

叅徧叢林懶出游拍端孤月照高秋大千界裏閒  
 窺掌不二門中暗點頭埽地燒香聊自遣栽花種  
 竹儘風流莊蒙抵死談齊物無物齊時也合休

趙太常之傑

三首

之傑字伯英大定人本名宗傑避諱改大  
 定十六年進士歷西京提刑副使棣州防  
 禦使終于太常卿使宋還言事云宋人文  
 救之極且脆弱不足為慮邊部為可慮也  
 其前識如此子繪名進士早卒孫季卿在

燕中

按宋史及魏華父所記云傑以驕慢起為非能合  
 兩國之好者也特現之語足為戒耳

許道寧群峯算雪

出雲峯

及古閣

現敵國之言則天  
 水道學不異典午  
 清言非其徵乎  
 金史交聘志承  
 安五年十一月己丑  
 遣太常卿趙之  
 傑等為賀宋正  
 旦使時南北未用  
 兵又七年而鐵木  
 真稱大號



道士平生林野人醉中拈出雪峯真爲君療却烟霞癖比似青囊藥更神 無聊

題濟源龍潭寺

樹圍脩竹竹圍庵庵下泓然碧一潭極目荷花半秋色小橫圖上看江南

除夜

日月不宥留歲曆倏云畢僧坊見節物新正在明日夜半拊枕歎半百又加七形骸念念改膂力能

不失經言男數八此去才有一健者未可期况乃常衰疾物情忌盈滿君子慎名實行矣安退閒吾其保終吉

趙轉運鼎

一首

鼎字德新樂城人大定十六年進士喜作詩頗知道學屏山所許如此仕至西京路  
轉運使元日詩云拜嗟筋力隨年改飲覺屠蘇到手遲惜不多見也子中立字正卿



第進士文譽甚著

宿來同堡

渭北洮南過却春窮邊冰雪更愁人來同驛裏題  
詩處破屋青燈一病身

田轉運特秀

一首

特秀字彥實易縣人大定十九年進士仕  
至太原轉運使喜作詩為周德卿李之純  
所賞感興云散木不材寧適用虛舟無意

任乘流百年身世槐安國千古人情羹頡  
戾賦古堦云締構百年人換世消沉千古  
鳥盤空他類此彥實所居里名半十行第

五以五月五日生小字五兒二十五歲鄉

府省御四試俱中第五年五十五八月十

五日卒造物之戲人如此

五月五日生者見其賦集序胡

國瑞云

宿萬安寺



長途鞍馬倦黃塵喜見空崑萬疊雲漫漫野煙迷  
去鳥蕭蕭林葉帶殘曛苔封老檜龍鱗起石磧流  
泉燕尾分夜敞松窗耿無寐一庭蘿影月紛紛

趙漕副文昌

一首

文昌字當時陵川人仕至京兆轉運副使

嘗有詩云蟲聲連壞壁樹色入秋窗草香  
花落處山黑雨來時頗爲黃華所稱

歌扇

媚娘巧作貫珠喉画扇團團半掩羞唱到春山小  
顰處一輪明月爲花愁

路轉運忱

一首

忱字子誠平郭人大定二十二年進士累  
遷監察御史終于河東北路轉運副使

秋懷

落日留虛壁秋風急戍樓高歌鬼神夜揮涕虎狼  
秋豪貴少青眼文章多白頭何時挂長劍天地一



扁舟

高密州公振

一首

公振字特夫正隆初進士歷南京留幕終  
于密州刺史詩有家學賦南園江鄉有翠  
蓋紅粧無俗韻綠陰青子更多情之句惜  
不多見也

裴氏西園

第三偷浮萍破處見山影

簿領沉迷倦不禁偶從名勝此幽尋竹陰疎處見

潭影人語定時聞鳥音陳迹謾留千古恨歡遊聊  
慰十年心多情一片梁園月送我垂鞭出上林

張轉運穀

一首

穀字伯英臨潁人大定二十八年進士仕  
至河南路轉運使家多法書名画古物祕  
玩周秦以來鏡至百餘枚他物稱是天性  
孝友與人交極誠款古所謂博雅君子者  
伯英可以當之弟穀字伯玉美風儀善談



論氣質豪爽在之純希顏伯仲間舉進士  
 有聲場屋及再上不中即拂衣去嘗自言  
 丈夫子娶非尚主官不徒步至宰相不屑  
 可也宰相李公仲脩適之皆與之遊從不  
 敢以布衣諸生處之家既貴顯厚於奉養  
 擊鮮為具賓客日滿門窮晝竟夜卒以樂  
 死嘗賦雪云樵皮雙鳧懶漁蓑一蜩拳醉  
 後云日飲燕市人人識張鬪西山晚來

好飲酒不下驢賦画石云腹非經笥口不  
 肉食胸中止有磊磊落落百千萬之怪石  
 興來茹噎快一吐將軍便欲關弓射氣母  
 忽破碎物怪紛狼藉有時醉狂頭插筆掃  
 盡人間雪色壁其顛放如此

石淙

天后離宮在崧山曲河即東坡為韓子華賦詩處也

頽水洗餘高士耳是非猶恐汚人牛區區武媚何  
 為者水上磨崖紀宴游



宗御史端脩

一首

端脩字平叔一字伯正汝州人大定二十  
 二年進士衛紹王避世宗諱改宗為姬而  
 天下止以宗平叔目之好學喜名節操履  
 端勁慕司馬溫公之為人自為諸生時見  
 者必悚然敬之明昌中自首掾拜監察御  
 史車駕東狩是歲大寒人有凍死者平叔  
 諫止之元妃兄弟李喜兒輩干預朝政平

金史本傳章宗  
 改宗字為姬

叔上書以遠小人為言道陵知其為喜兒  
 發詔喜兒就問卿欲朕遠小人小人為誰  
 其以姓名對平叔奏小人止李喜兒兄弟  
 耳喜兒以聞李氏兄弟皆被切責竟以訐  
 直貶官平叔自守愈篤是是非非議論一  
 出於正大為朝廷所知降詔褒諭以全州  
 節度副使卒官平叔妻死不更娶潔居二  
 十年士論高之永寧游彥括調汝州司候



將之官問為政平歟言為政不難治心養  
 氣而已彥摺不領明日復來云夏初入官  
 且臨先生鄉郡請問從政而先生乃以治  
 心養氣為言思之不能得願終教之平叔  
 曰子寧不知此耶治心則心正心正則不  
 私養氣則氣平氣平則不暴不私不暴為  
 政之術盡於此矣平歟墓碑及傳聞閒公  
 為作稱其剛稜疾惡有鐵面陳了翁之風  
 人不以過云姪孫汝作正大末保山棚有  
 功入守汝州力盡城復陷兵人欲降之不  
 屈而死

漫書

冷面宜教冷眼看只慙索米向長安陰崖何限枯  
 松樹望見屏幃盡牡丹

張戶部翰 五首

翰字林卿秀容人大定二十八年進士為



人有蘊藉如素宦然累遷監察御史翰林  
直學士貞祐初戶部侍郎車駕南渡出爲  
河平軍節度使召拜戶部尚書草創之際  
經費空竭雖米鹽細物皆倚之而辦予嘗  
見於戶曹邠州一書生言時事相與詰難  
凡數十條率不思而對雖反復計度者亦  
自不能到信通濟之良材也宣宗旦暮相  
之會卒年五十五弟脩字飛卿永安五年  
進士同知河東北路兵馬都總管事猶子  
天彝字仲常黃裳牘登科子天任字西美  
近侍局副使死于宋州之變

贈石德固 惡面目

西湖之月清無塵橋中之樂猶避秦向來所見止  
此耳渠亦豈是真知津如君眼孔乃許大萬事付  
之塵甑隋兒能詩書又肯播著脚世間看踏破青  
巾玉帶桃李花日斜空望紫雲車布衣誰識隱君



子一馬瘖然何處家

再過回公寺近體平順

山州風土極邊頭二十年中復此遊青鬢已隨人  
事改碧溪猶繞寺門流輕寒剪剪侵馳褐小雪霏  
霏入蜃樓爲問勞生幾時了不誠長抱異鄉愁

萬寧宮朝回

宿雨初收變曉涼宮槐恰得幾花黃鵲傳喜語留  
鞘尾泉打空山鞦韆場已覺雲林非俗境更從衣

袖得天香太平朝野歡娛在不到蓮塘有底忙

奉使高麗過平州館

昨日龍泉已自竒一峰寒翠壓簷低兼并未似平  
州館屋上層巒屋下溪

金郊驛

山館蕭然爾許清二更枕簟覺秋生西窗大好吟  
詩處聽了松聲又雨聲

李好復二首



好復字仲通安喜人明昌二年進士榆次  
令有能聲入為警巡使嘗以事縛一護衛  
道陵有投鼠之喻出為歷城令終于滑州

刺史

邵智夫同游南城

園林晴晝蔚如煙林外支流盡水田落日趁墟人  
已散鷺鷥飛上渡頭船

雨中與客飲

門外平橋一水分數聲漁唱隔溪聞暖風落絮飄  
香雪小雨沾花溼夢雲釀具未甘名長物詩壇聊  
欲張吾軍相逢莫惜通宵飲明日閒身不屬君

楊祕監邦基 一首

邦基字德茂大定中進士仕至祕書監禮  
部尚書文筆字画有前輩風調世獨以其  
画比李伯時云

墨梅

金史本傳不  
載其為禮部  
尚書



粉蝶如知合斷魂啼粒先自怨黃昏花光筆底春  
風老寐莫嶺南烟雨痕

呂陳州子羽

四首

子羽字唐卿大興人大定末進士仕至陳  
州防禦使元光末為酷吏所誣以乏軍興  
繫獄比赦至唐卿自縊死朝臣有辨其冤  
者詔復官希顏為制辭云毀譽之來在仁  
賢而不免是非之論至久遠而乃公人謂

唐卿於此語為無媿屏山故人外傳呂氏  
自國朝以來父子昆弟凡中第者六人以  
六桂名其堂貞幹字周卿尤自刻苦酷嗜  
文書著碣石志數十萬言皆近代以來事  
迹幽隱譎怪談諧嘲評無所不有在史館  
論正統獨異眾人謂國家止當承遼大忤  
章廟旨謫西京運幕量移北京致仕自號  
虎谷道人晚年感末疾又號呂跛子自作

遺山以中州名此集  
正与跛子異論揚  
廉夫以前先有為  
此者然後人知呂  
貞幹者甚少



傳以見志閒閒公亦以為篤志君子也弟  
士安字晉卿卿雲字祥卿子鑑字德昭皆  
名士唐卿其從子云

廣平道中

風色著鰲面霜華侵老須昏埃埋故驛積雪編脩  
途凍岫新詩句寒林古画圖夜寒孤月上天地一  
冰壺

宿章義廣勝寺

小邑本無事我来勞簡書路長頻問馬人靜厭烹  
魚鍾冷僧叅外燈殘客夢餘此心誰領會松月夜  
窗虛

至日

歲晏多風雪官閒深屋廬小詩窮則變美酒數斯  
疏未草歸田賦空翻引睡書窗明添眼力已覺日  
光舒 惡聲

李白醉婦圖



春風醉袖玉山頽落魄長安酒肆迴忙煞中官尋  
不得沉香亭北牡丹開

趙鹽部文昌 一首

文昌字公權平陽人明昌二年進士仕至  
遼東路鹽使博學好持論周常山甚愛之  
子觀字維道從事史院資謹厚不忤于物  
閒閒許其字画進進不已可到古人云

軍中寄親舊 清順

軍中從事鬢絲垂把釣江湖與願違紅葉關河爲  
客久黃花時節寄書歸霜天不盡孤雲遠秋意無  
聊一雁飛鄉社故人應念我豈知南望更依依

韓內翰玉 二首

玉字溫甫其先相人五世祖繼寧仕石晉  
爲行軍司馬從出帝北遷居析津曾孫知  
白仕遼爲中書令孚爲中書門下平章事  
賜田盤山遂爲漁陽人曾祖錫字難老仕



國朝以濟南尹致仕溫甫明昌五年經義  
詞賦兩科進士入翰林爲應奉應制一日  
百篇文不加點又作元勳傳稱旨道陵歎  
曰勳臣何幸得此家作傳耶泰和中建言  
開通州潞水漕渠船運至都陞兩階授同  
知陝州東路轉運使事大安三年都城受  
圍夏人連陷邠涇陝西安撫司檄溫甫以  
鳳翔總管判官爲都統府募軍旬月得萬

人藉秦州場買馬官香及鳳翔冒買馬七  
百寶雞埋沒官鐵他州郡弓弩數千以給  
軍出屯華亭與夏人戰敗之獲牛馬千餘  
時夏兵五萬方圍平涼又戰于北原夏人  
疑大軍至是夜解去當路者忌其功驛奏  
溫甫與夏寇有謀朝廷疑之使使者授溫  
甫河平軍節度副使且覘其軍先是華州  
李公直以都城隔絕謀舉兵入援而溫甫



恃其軍為可用亦欲為勤王之舉乃傳檄  
 州郡云事推其本禍有所基始自賊臣貪  
 容姦賂繼緣二帥貪錮威權既止夏臺之  
 師旋致會河之敗又云齊魏以高壘為能  
 堅蒲絳以穿空為得計裹糧坐費盡膏血  
 於生民棄甲復來竭資儲于國計要權力  
 而望形勢連歲月而守妻孥又云命令不  
 至京師奈何盼盼四集之師懸懸半歲之

天地間只此  
 是真文章

上人誰無死有臣子之當然事至于今恐  
 君親之弗願勿謂百年身後虛名一聽史  
 臣只如今日目前何顏以居人世公直一  
 軍行有日矣將佐違約國朝人不從者  
 輒以軍法從事京兆統軍便謂公直據華  
 州反遣都統楊珪嚴取之皆置極刑公直  
 曾為書約溫甫溫甫不預知其書乃為安

撫所得

公直書三一與京兆宣撫一與溫甫一與楊珪故京兆軍得因書嚴



華州及使者覘溫甫軍且疑預公直之謀即  
 實其罪溫甫赴官道出華州被囚死于郡  
 學臨終書二詩壁間士論寬之溫甫先賦  
 怪松云昂歲殊未展偃僂旋自縮惜爾雲  
 外姿耐此胯下辱又云木高衆必摧地厚  
 敢不跼河中皆沉沉澗底自鬱鬱未幾被  
 禍人以爲讖云子不疑字居之小字錦郎  
 以父死非罪誓不祿仕丙申之夏過予冠

傳變何以過之

氏出其父臨命時手書云此去冥路吾心  
 皎然剛直之氣必不下沈兒可無慮世亂  
 時艱努力自護幽明雖異寧不見爾予為  
 之惻然

臨終二詩

客自朝那戍東過古鄭原衰年會凶運奇禍發流  
 言白骨將為土青蠅且在樊仰呼天外恨沉思地  
 中寬母喪半途鬼兒孤千里竟此心終不滅有路



許天關

又

天下無雙士。軍中有一韓。才名兩相累。世道一何  
 難。旅次窮冬暮。囚孤永夜寒。身亡家亦破。巢覆卵  
 寧完。矍鑠鞍仍在。驚呼缺屢殫。丈夫忠義耳。無惜  
 感歌還。

主都運擴

一首

擴字克之。永平人。明昌五年進士。累遷同

知德州防禦使事。山東饑。詔馳驛赴官。且  
 以賑貸事付之。時棣州饑尤甚。而不在發  
 粟之數。充之擅開倉救之。朝廷不之罪也。

泰和七年夏旱。充之以監察御史受詔審  
 冤。因為同列言。往時審冤一切以末減為  
 事。至殺人者之罪。亦貫出之。地下之冤。當  
 誰理之乎。使還言。勅設三司。不便大畧言  
 三司之設。特以刻剝為事。大定間一曹望



之爲戶部天下倉廩府庫皆實百姓無愁  
怨之聲存乎其人不在改官稱也今三司  
官皆戶部舊員掾屬亦戶曹舊吏豈有愚  
於戶部而智于三司者乞復戶部之舊無  
駭民聽可也崇慶初遷河東北路按察僉  
事上書言時病回一將不知兵二兵不可  
用三事不素定回用人違其長貞祐二年  
太原受兵充之之功爲多最後權陝西西

路轉運使行六部尚書前政太原喬世權  
子實燕人趙伯成子文號爲稱職充之表  
表自見雖處細務亦有法掾屬奔走從事  
無敢後者評者爲子實寬緩欲爲不忍欺  
子文慎密欲爲不能欺皆未必能然獨王  
公之不敢欺爲有徵云年六十三致仕卒  
子元慶字善甫歸德行六部郎中次子元

亨



題神霄宮清心軒

紛紛百慮自心生方寸清來百慮平未了此心私自笑更憂時世欲澄清

趙吏部伯成

三首

伯成字子文宛平人明昌五年經義詞賦兩科進士博通書傳有真積之力性沉厚言必中理從在太學日人以趙骨鯁目之累遷侍御史拜中丞陝西西路轉運使靜難軍節度使哀宗即位召爲吏部尚書坐爲飛語所中罷官卒于崧山中路人宋文之說其臨終甚明了也

蠟梅二首

凍蕾含香蠟點勻古來幽谷有佳人蠟梅不結子詩家只怨和羹晚不道紅梅別是春晦甚

又

冷艷疎香竅莫濱欲持何物向時人東風自是清



狂手辦作竹籬茅舍春

元弟以所業見投賦詩為贈

耆舊隔存歿。為君重歎嗟。人門得嵇紹。文賦見張華。夙有凌雲筆。方乘犯斗槎。忘年即吾友。未可論通家。  
文賦借用鶴駕事亦不嫌借

梁錄事仲新 一首

仲新字良輔朝城人明昌五年進士初試仙掌承露詩主司以為擅場用是知名卒

于許州錄事

江天算雪圖

南雪不到地。霏霏滿竹樓。沙河燈市裏。春在木綿裘。

盧待制元 一首

元字子達玉田人父啟臣字雲叔第進士仕宦亦達自號漚水先生和趙元發劉師魯葛藤韻云乳兔生長角塵湯結厚冰木



絕佳句以題求之則江西體也

終成假佛髮不礙真僧莫認指為月須明  
 火是燈拈花微笑處只記老胡曾子達幼  
 而敏惠年未二十試于長安為策論魁擢  
 第後又中策魁明昌初章廟設宏詞科命  
 公卿舉所知子達與郭黻周詢張復亨就  
 試凡七日並中選遂入翰苑累遷至待制  
 二兄長庸弟曾名進士又俱擢高第時人  
 以燕山竇氏比之屏山故人外傳云爾子

安字希謝翔字仲升仲升正大末登科

閒詠

天近蒼龍闕居連白馬堂松聲得鄰舍山色出宮  
 墻巷陋輪蹄少庭閒日月長九衢紅霧裏亦有白  
 雲鄉

太常卿石抹世勳 一首

世勳字晉卿承安中進士終于禮部尚書  
 子嵩字企隆應奉翰林文字父子皆死蔡



州之難

紙鳶 洒江西體之劣者

鴟鳶鵬鷃誰雌雄假手成形本自同果物戲人人  
戲物為風乘我我乘風扶搖漫擬層霄上高下都  
歸半紙中兒輩呶呶方佇目豈知天外有冥鴻

范滑州中

一首

中字極之大興人承安中進士累官京西路  
司農少卿滑州刺史好賢樂善有前輩

風流貞祐中高琪當國專以威刑肅物士  
大夫被捃撫者笞辱與徒隸等醫家以酒  
下地龍散投以蠟丸則受杖者失痛覺此  
方大行於時極之有戲云嚼蠟誰知味最  
長一杯卯酒地龍香年來紙價長安貴不  
重新詩重藥方時人傳以為笑極之嗜讀  
書一以資于詩詩亦往往可傳壬辰卒于

京師年五十七



贈韶山退堂聰和尚

郎當舞袖少年場線索機關似部郎今日棚前閒  
袖手却從鼓笛看人忙

趙禮部思文

六首

思文字庭玉永平人明昌五年進士貞祐  
中陷沒都城間關南渡遂為朝廷所知歷  
虢州刺史汝州防禦使金安集慶兩軍節  
度使召拜禮部尚書壬辰卒官為人誠實

樂易自少日有君子長者之目南狩以後  
趙吏部子文揚禮部之美趙禮部周臣陳  
司諫正叔與庭玉皆完人終始無玷缺者  
也弟庭珪同榜登科三子敬叔介叔方叔  
今居鄉里

試院中呈同官崔伯善李順之

睡起松陰鳥雀譁忽驚霜果墮檐牙簡書迫促全  
疎酒眼力眇昏只費茶不學道人食柏葉却隨舉



子踏槐花提衡文字非吾事崔李風流有故家

侯相浪溪歲寒堂

靜中臺榭隔紅塵水色山光日日新不用汾溪種

松竹主人元是歲寒人

捕蝗感草蟲有作二首

雖是形模不苦爭汝能傷稼我能鳴誰知竟有長

平禍玉石填來共一坑

又

竟未了其所指豈以蝎虎

比從恪歸德阻水為固比哀

宗棄汴之宋乎

草蟲悲咽不能言亂逐螟蝗瘞古原水底癩龍正

貪睡甕中蝎虎更銜窻

二詩疑圍城中作觀者可以意推之

嵩山承天谷又云逍遙谷

煙霞直上逍遙谷路轉山腰咫尺迷已覺洞天分

聖境更疑石磴是仙梯霜添紅葉黃花好天與金

壺玉柱齊

兩峯名

醉倚西風正南望暮雲烟草一時

低

弔同年楊禮部之美



海內文章選。人中道德師。爭教衰病足。不到鳳皇

池。宗社將移此。復何時。猶代人以不到鳳池為嘆乎

李坊州芳 一首

芳字執剛。大興人。承安二年進士。歷乾坊

兩州刺史。同知都轉運使事。為人敬賢下

士。款曲周至。聞人一善。極口稱道。士論以

此歸之。又精于吏事。累以廉能進秩。正大

末。致仕。歿於洛陽之難。

留別

祿食媿踰量。智困念歸愚。符竹恒為累。幸及引年

初。驅馬國西門。初服返田廬。金閨富才彥。絕足駢

高衢。眷我謝朝蹟。冠蓋寵歸途。歸途豈不榮。願瞻

亦踟躕。煌煌丹山鳳。覽德萃清都。行人得棲止。老

鶴青天孤。石樓俯清伊。旁有野人居。儻逢經過便

山水足相娛

劉鄆縣昂 三首



昂字次霄濟南人承安五年進士調鄆縣令劉光甫曾為同官稱次霄高材博學詩

時有佳句云

零口早行

馬上兀殘夢坡公用之已失唐人契匠  
況在此曹輩

馬上兀殘夢沉沉天向晨行雲如妒月古道不逢

人野曠畊聲遠山高露氣新哦詩無好語聊爾一

吟呻

讀三國志二首

拉雜少貫穿

虎視鯨吞卒未休一時人物盡風流婦翁正得黃

承彥兒子當如孫仲謀乳臭蒙孫真寄坐齒寒鄰

國莫分憂阿瞞狐媚無多罪誰作桓文得到頭

又

泣漢遺黎血未乾繁昌新築受終壇天球寶鼎私

臧獲坎井均堂局鳳鸞地易主賓窮赤壁勢成螳

雀事烏丸陳言袞袞令人厭枉就輸棊覆舊槃

錦峰王仲元 三首

無論村俗到此  
咏史不能銘鑄  
本事雖工嚴  
亦非好手



仲元字清卿平陰人永安中進士以能書  
名天下歷京兆轉運司幕官子公茂今在

雲中

雪中同周臣內翰賦二首

天上端花散不收溫溫叶氣浹皇州橫溪月澹梅  
宜臘平野風閒麥有秋清興雅高東武會孤吟誰  
似灞陵游西山玉立三千丈好句都輸趙倚樓

雪

超妙

初稀時拂拂稍密自紛紛老樹曉迷月瘦峯寒怙  
雲色從空際得聲向靜中聞客枕清無夢哦詩徹  
夜分 落日弱

贈青柯平隱者

太華神明觀青柯小有天大哉霄壤內無此弟昆  
賢齊物三千行棲雲二百年初平初起後又得兩

懼仙

盧宜陽洵

一首



朱巨觀盧仁甫  
皆特記其晚遇  
蓋昔人有恥自  
重如是者鮮矣  
非若近來踳跚  
場屋以一第為  
榮也

洵字仁甫高平人李承旨致美見所作上

梁文勉使就舉六十一歲呂造榜登科歷河

南府教授河陽丞宜陽令致仕後居伊陽

年八十三卒仁甫有詩學以鞏原及赤壁

圖詩著名招飲云南園仙杏猩紅破北渚

官醪玉汗醇已約尊前成二老全勝月下

作三人

白溝

白沙清淺不容舟遼宋封疆限此溝到了山河無

定玉碧波依舊只東流

刁涇州白

三首

白字晉卿信都人呂造榜乙科歷涇州幕

官入補省掾卒作詩極致力樂府尤有風

調今散失不復見矣

渭水

渭水秋天白驪山晚照紅行人迷古道老馬識新



豐霜雪滿婦鬢乾坤猶轉蓬愁來成獨酌醉袖障  
西風

物質

物質方圓定營營止自疲鶴鳧傷斷續鵬鷃失高  
卑巧宦多成拙徐行未必遲可憐箏上雁來往聽  
人移

送花

縱橫詩酒少年曾老矣追懽謝不能種出好花無

用處東鄰乞與坐禪僧

劉戶部光謙 一首

光謙字達卿潘州人父澤字潤之為部掾  
斷獄有陰德劉之昂與之酬唱其詩有云  
侯門舊說炎如火陋巷今猶冷似冰半夜  
杯槃長袖舞白頭書冊短檠燈用是人不  
敢以府史待之達卿泰和三年進士資幹  
局處事詳雅為朝廷所知累官司農少卿



病瘡許州宣宗勅國醫診視之卒年五十  
六好問為舉子時識於登封相得甚歡尊

酒談笑有味使人不能忘也

寄陳正叔雷希顏

東南形勝古徐州人物休評第幾流  
落落陳雷天下士故應連榻卧黃樓

毛提舉端卿一首

端卿字飛卿彭城人又矩桓州軍事判官

歿王事飛卿二十歲始知讀書游學齊魯

間備極艱苦飢凍疾病不以廢業凡十年

以經義魁東平泰和三年擢第累遷提舉

權貨司戶部員外郎性剛明疾惡過甚坐

與監察御史相可否為所中傷降鄭州司

候改孟津丞將復用矣會卒子思適今居

東平

題崞縣郝子玉此君軒



背是北窓

桂林名姓一枝新萬竹青青德有鄰渭上風煙分  
別派山陽詩酒屬閒人心期已到冰霜窟眼界不  
知花柳塵萱背從今看輝映嫩香新粉四時春

康司農錫

一首

錫字伯祿寧晉人其祖嘗與兄弟分財他  
田宅無所問止取南中生口十餘人縱為民  
而已以故家獨貧父爽為里胥性純篤縣  
令者倚之以納賄及令為御史所劾爽自

念言直則令被罪終世不齒渠官長而我  
以事證之何以立於世乃自縊而死令竟  
以無迹可尋獲免伯祿既養于外祖田氏  
田氏見伯祿骨骼異他兒謂當有望使之  
應童子舉飲食卧起躬自調護備極勞苦  
得解赴都一日日算行芟葦中懼為同行  
所遺至背負伯祿而行及長師柏鄉王翰  
周輔束脩不能備周輔與諸公共調給之



黃裳榜擢第歷櫟陽簿警巡判官辟彭原  
 令補省掾考滿遷開封府判官拜監察御  
 史言宰相侯摯師安石非相材提點近侍  
 局宗室安之聲勢焜焜請託公行不可使  
 父在禁近朝議偉之選授右司都事京南  
 路司農丞破上蔡諸縣群不逞把持之黨  
 以河中治中充行六部郎中從軍城陷投  
 水死伯祿孝于母友于其弟有恩義于朋

友從政則死心以奉公為民古所謂公家  
 之利知無不為者惟伯祿為然同年生如  
 雷希顏冀京父宋飛卿之等名士數十人  
 世以比唐日龍虎榜至論氣質尚以伯祿  
 為稱首云

按部南陽有贈

魯山佳政霑鄰邑白水歡謠見路人  
 縣務清談君自了農郊夙駕我何勤  
 星河直上冰輪轉桃李前



頭玉樹春海寓疲民望他日草堂那得遽移文

張戶部德直

一首

德直字伯直平陽人叔祖邦彥字彥才張  
楫榜登科以當川令致仕有松堂集行于  
世嘗有詩云青山溶溶水溶溶盡出蒼祇  
點化工無限燒痕渾綠染可憐喬木待春  
風父迪祿字仲英明昌初進士歷岐山上  
黨二縣令卒于省掾伯直貞祐三年進士

釋褐新平簿辟藍田令秩滿父老詣行臺  
留再任去之日爲立生祠移沔池通許召  
補省掾選授右警巡使終于同知武勝軍  
節度使事子城今居永寧

叔能見過

度嶺千峯潤泂溪一徑微山寒花發晚村迴客來  
稀強飲酬佳節悲歌送夕暉平生愛歡聚衰病與  
心違



馮辰 一首

辰字駕之臨潼人貞祐三年進士辟涇陽令九歲知作詩

雨後 時年十三

東風花外錦鳩啼喚起西山雨一犁綠滿蔬畦人不到桔槔閒立夕陽低

王世昌 二首

世昌字慶長寧州人貞祐三年同進士出

身以信都丞致仕

過華州

拔地三峰冷翠微落崑飛瀑噴珠璣吟鞭落托騎驢過戰刃韜藏牧馬歸十丈玉蓮秋不謝半楞掌月晝還飛地靈人傑無遺逸未分蟠螭老布衣  
方城東寺海棠

苦苣如針草有芒桃花輕薄絮顛狂少陵例有詩沾丐只在無言到海棠

騎驢落托用陳圖南事邵氏聞見錄載嘗乘白驢從惡少年數百欲入汴州中途聞藝祖登極遂入華山為道士慶長其欲有為者耶



李宜陽過庭一首

過庭字庭訓武亭人貞祐二年進士歷宜陽永寧滎陽三縣令所去見思入為右曹掾斷獄寬平當妖賊李亨首坐所誅誤數百人皆從輕法正大中擢右三部司正終於昌武軍節度副使少日從太原王正之學故詩文皆有可觀人初與交者多不能合以之知其為淳質長厚人也壬寅四月

暴卒於東平子萼字華甫

讀公孫弘傳

古來好客數平津我道真龍未必真一箇仲舒容不得不知開閣為何人

田錫二首

錫字永錫宛平人興定五年進士調新蔡主簿閒居南陽驥立山下資豪爽自少日有聲場屋間作詩甚多平蘇墳一篇有英



靈還却眉山秀依舊東風草木天之句世

閑傳之

牧牛圖

干戈擾擾徧中州挽粟車行似水流何日承平如

画裏短蓑長笛一川秋

故縣別業

九折驅車夢易驚一廛老計喜初成園蔬不借將

軍地宅券何勞宰相名山入平簷供遠翠水環釣

石得深清漫郎聲叟琦玕子誰悟他生與此生

張介一首

介字介夫彭城人正大元年經義第一人

歷鞏穀熟二縣令幼有賦聲爲人有蘊藉

嘗贈詩人楊叔能末章云我貧自救如沃

焦君來過我亦何聊爲君欲寫貧士歎才

息殊減荒村謠楊初以荒村謠得名故云

讀天寶遺事



不但昨非今亦非上皇騎馬渡沾衣曲江死後無忠諫却憶詞人秋雁飛上皇二字亦大早宋以後人用字更不點勘

龐漢 一首

漢字茂弘平晉人正大末年進士沉毅有志節待次內鄉北山兵亂遇害

終南谿

冷雲低壓萬長楊十頃秋陰鎖北堂門外兵塵漲秦楚水邊烟景似湖湘荷翻山雨僧窓晚竹汎溪

腹聯一句有三層猶得晚唐鍊句法但無奇耳

風客枕涼早晚初平遂真隱澆陂閒牧石頭羊

宋景蕭 二首

景蕭字望之濟川族孫正大六年進士辟令泰安未赴遭亂望之於劉景玄爲外兄故其詩頗獲沾丐嘗有荒山銷盡古今魂之句詩家稱焉

河陰望河朔感寓一首

南來邊報日駸駸思禹亭高淚滿襟野燒爲誰雷



白草荒城空自隔疎林雁聲不斷天連水山色無  
情古又今離合興亡只如此往年爭識少陵心

春雪用上官明之韻

不佳噫噫春蟲鬧撲窗地爐茶鼎蚓聲長詩中有味清  
於酒只欠冰梢數點香

李警院天翼 三首

天翼字輔之固安人貞祐二年進士歷滎  
陽長社開封三縣令所在有治聲遷右警

巡使汴梁既下倚寓聊城落薄失次無以  
為資碎濟南漕司從事方鑿圓枘了不與  
世合衆口媒孽竟罹非命輔之材具甚美  
且有志於學與人交款曲周密久而愈厚  
死之日天下識與不識皆為流涕予謂天  
道悠遠良不可知而天理之在人心者亦  
自不泯也

還家三首



幽花雜草滿城頭。華屋唯殘土一丘。鄉社舊人何處在。語音強半是陳州。

又

牡丹樹下影堂前。幾醉春風穀雨天。二十六年渾一夢。堂空樹老我華顛。

又

殊音異服不相親。獨倚荒城淚滿巾。祇有青山淡相對。似憐我是此鄉人。

張叅議澄

四首

澄字之純。別字仲經。本出遼東。烏惹族。國

初遷之隆安。祖黃縣府君。移官洛水。因家

焉。之純早孤。能自樹立。避地洛西。率資無

旬日計。而泰然以閉戶讀書為業。嘗從辛

敬之。趙宜之。講學。故詩文皆有律度。兵後

居東平。詩名藉甚。如云齊客計窮思。蹈海

杞人瘼。絕謾憂天。壞壁粘蝸。艱國步。荒池

初疑國字未穩  
再閱乃悟虫觸  
國于左右角也



漂蟻失軍容。此類甚多。

積雨

積雨生頑痺。新晴意自怡。幽花依小徑。野蔓媚疎籬。髮少從梳懶。年衰與杖宜。腐儒慙用拙。糲食復何辭。

和林秋日感懷寄張丈御史二首

塞草枯黃秋未殘。北風裘褐日生寒。田園政憶遂初賦。冰雪莫吟行路難。囊穎露錐徒自苦。荆緱有

劍祗空彈。南窓明暖無塵到。慙愧高人老鶻冠。

又

別家六見月牙新。萬里風霜老病身。塊坐羶廬心悄悄。遠懷茅屋夢頻頻。瓜田無取終成謫。市虎相傳久是真。鄉國歸程應歲暮。火爐煨栗話情親。

輓馬圖

飛整桑城力亦優。不應伏櫪便垂頭。而今世上無良樂。兀兀黃塵輓得休。



劉神童微 一首

微字伯祥益都人七歲能文道陵召入宮

賦鳳皇來儀二首稱旨賜經童出身係籍

太學後登貞祐二年第

柳應制得城字

翠紐圓勻綠線輕著行排立弄新晴更看三月春

風裏散作飛花滿鳳城

郭宣道 一首

宣道字德明邢州人系出衣冠家人物楚

楚而有老成之風貞祐中客南陽名士定

興張履坦之罷鄧州觀察閒居此縣之石

橋見德明愛之招致門下飲食教習委曲

周備遂有聲場屋間正大末沒兵中

送同舍張耀卿補掾中臺

摩雲頭角看昂歲意外升沉豈易量取士皆知有

科舉進身初不在文章關心雁塔功名晚試手烏

都 祿史固勝鴻



臺歲月忙此去一官先有路獨憐燈火夜窗涼

張仲宣 二首

仲宣字利夫相州人舉進士有聲子柔字

子友今在林慮

下第

主司頭腦舊冬烘更著書郎骨相窮曉賦得官何

足道直須遮馬困吳融

吳事未詳

戲題石鹿蜂猴画卷

橫槊將軍馬足塵判花學士筆頭春功名果屬丹

青手造物如何戲得人

胡汲 一首

汲字直鄉衛州人少有賦聲與新鄭傅伯

祥呂鵬舉相友善貌寢陋而滑稽無窮時

命不偶竟窮悴而死

□□

休笑叅軍靴不襪休嗟門客食無魚燕鴻來去端



誰使鵬鷃逍遙本自如  
潦倒淵明三徑菊  
荒唐惠子五車書  
古人淡裏求真味  
身外紛華不羨渠

王脩齡

一首

脩齡字紹先同州人  
詩有得意好花開  
早落喚愁芳草燒  
還生閒閒愛而戲之  
目為

癡仙人

黃葉行送祖唐臣歸柘縣

送若黃葉山黃葉紛不掃  
上有蕭蕭之風樹  
下有

漫漫之衰草  
山中黃葉行復青  
髀肉一消人自老  
酒盡意不盡  
執手臨古道  
古道連延走錦囊  
錦囊日暮浮雲翔  
一燈孤館相思處  
寒鴈一聲秋夜長

中州集卷第八



中州集卷之八

日暮行 思汝漢水一鴈飛

西州行 思汝漢水一鴈飛

東州行 思汝漢水一鴈飛



中州集卷之八



程